



KENYATAAN AKHBAR KEMENTERIAN KESIHATAN MALAYSIA

SITUASI SEMASA JANGKITAN PENYAKIT CORONAVIRUS 2019 (COVID-19) DI MALAYSIA 15 OGOS 2020

STATUS TERKINI KES DISAHKAN COVID-19 YANG TELAH PULIH

Kementerian Kesihatan Malaysia (KKM) ingin memaklumkan bahawa terdapat **tiga (3) kes** yang telah pulih COVID-19 pada hari ini. Jumlah kumulatif kes yang telah pulih sepenuhnya dari COVID-19 adalah sebanyak **8,831** kes (96.3 peratus daripada jumlah keseluruhan kes).

STATUS TERKINI KES COVID-19 DI MALAYSIA

Sehingga 15 Ogos 2020 pukul 12:00 tengah hari, terdapat **26 kes** baharu yang telah dilaporkan. Ini menjadikan jumlah kes positif COVID-19 di Malaysia adalah sebanyak **9,175 kes**. Oleh itu, **jumlah kes aktif dengan kebolehjangkitan COVID-19 adalah 219 kes**. Mereka telah diasingkan dan diberi rawatan.

Ingin dimaklumkan daripada 26 kes baharu yang dilaporkan, tiga (3) kes adalah kes import yang telah mendapat **jangkitan di luar negara**

yang melibatkan dua (2) **warganegara Malaysia** dan satu (1) **bukan warganegara**. Tiga (3) kes import tersebut adalah dari negara:

- i. Austria (1 kes di Wilayah Persekutuan Kuala Lumpur);
- ii. Amerika Syarikat (1 kes di Wilayah Persekutuan Kuala Lumpur);
dan
- iii. Vietnam (1 kes di Wilayah Persekutuan Kuala Lumpur).

Daripada 23 kes **penularan di dalam negara**, yang melibatkan 20 **warganegara Malaysia** dan tiga (3) **bukan warganegara**.

Perincian kes penularan COVID-19 dalam negara di kalangan **warganegara Malaysia** (20 kes) adalah:

- i. Kedah:
 - tiga (3) kes Kluster Sala (kluster baharu ini akan diperincikan di bawah);
 - 10 kes daripada Kluster Tawar (situasi terkini kluster ini akan diperincikan di bawah); dan
 - satu (1) kes Kluster Muda (situasi terkini kluster ini akan diperincikan di bawah);
- ii. Wilayah Persekutuan Kuala Lumpur:
 - satu (1) kes saringan di tempat kerja; dan

- satu (1) kes saringan kontak rapat kepada kes positif COVID-19 (kes ke-8688).

iii. Pulau Pinang:

- dua (2) kes saringan Kluster Tawar kerana merupakan kontak rapat kepada kes positif COVID-19 (kes ke-9129).

iv. Johor:

- satu (1) kes saringan pra pembedahan.

v. Perlis:

- satu (1) kes saringan pra pembedahan.

Bagi kes jangkitan dalam negara (3 kes) di kalangan **bukan warganegara** pula adalah seperti berikut:

- Negeri Sembilan: dua (2) kes saringan tahanan yang merupakan Pendatang Asing Tanpa Izin (PATI); dan
- Wilayah Persekutuan Kuala Lumpur: satu (1) kes saringan di tempat kerja.

Sehingga kini, terdapat **enam (6) kes** positif COVID-19 sedang dirawat di **Unit Rawatan Rapi (ICU)** di mana satu (1) kes memerlukan bantuan pernafasan.

Adalah dimaklumkan bahawa **tiada** pertambahan kes kematian berkaitan COVID-19 dilaporkan pada hari ini. Justeru, jumlah kumulatif kes kematian COVID-19 di Malaysia adalah kekal sebanyak **125 kes** (1.36 peratus daripada jumlah keseluruhan kes).

KLUSTER SALA DI KEDAH

KKM ingin memaklumkan bahawa satu kluster baharu telah dikesan di Daerah Yan, Kedah. Kes pertama kluster ini (iaitu kes ke-9148) adalah lelaki warganegara Malaysia yang dikesan positif pada 13 Ogos 2020 melalui sistem surveilan klinikal *Severe Acute Respiratory Infection* (SARI) di Hospital Sultanah Bahiyah, Kedah. Aktiviti pengesanan kes secara aktif (*Active Case Detection*) dan saringan kontak rapat telah dijalankan pada 14 Ogos 2020 dan kes-kes dikesan positif pada 15 Ogos 2020. Ketiga-tiga kes yang dilaporkan pada hari ini adalah merupakan **ahli keluarga** kepada kes pertama (kes ke-9148).

Sehingga 15 Ogos 2020, 80 kontak rapat beliau telah disaring. Daripada jumlah ini:

- vi. Empat (4) kes dikesan positif COVID-19; dan
- vii. 76 individu masih menunggu keputusan.

Kesemua kes bagi kluster ini adalah warganegara Malaysia. Pengesanan kes secara aktif sedang diteruskan dan langkah-langkah pencegahan serta pembendungan jangkitan seperti proses pembersihan dan nyah kuman telah dijalankan di lokasi-lokasi yang dikenalpasti. Punca jangkitan masih di dalam siasatan.

STATUS TERKINI KLUSTER TAWAR

Adalah dimaklumkan bahawa terdapat **12 kes baharu dilaporkan** bagi Kluster Tawar pada hari ini, iaitu 10 kes di Kedah dan dua (2) kes di Pulau Pinang. Ini menjadikan jumlah kes dikesan positif COVID-19 bagi kluster ini sebanyak **33 kes**.

Sehingga 15 Ogos 2020 jam 12 tengah hari, seramai 657 individu telah disaring dalam kluster ini. Pecahan saringan mengikut negeri yang terbabit adalah seperti berikut:

1. Kedah (520 disaring):

- 30 kes dikesan positif COVID-19;
- 472 individu negatif; dan
- 18 individu masih menunggu keputusan.

2. Pulau Pinang (129 disaring):

- 3 kes dikesan positif COVID-19;
- 119 individu negatif; dan
- 7 individu masih menunggu keputusan.

3. Perak (8 disaring):

- Tiada kes dikesan positif COVID-19;
- 8 individu masih menunggu keputusan.

Pengesanan kes secara aktif dan saringan kontak rapat masih diteruskan bagi kluster ini dan situasi semasa akan dimaklumkan dari semasa ke semasa.

STATUS TERKINI KLUSTER MUDA

Adalah dimaklumkan bahawa terdapat satu (1) kes baharu dilaporkan bagi Kluster Muda pada hari ini. Sehingga 15 Ogos 2020 jam 12 tengah hari, seramai **133 individu** telah disaring dalam kluster ini. Daripada jumlah ini, sebanyak **tiga (3) kes** dikesan positif COVID-19, 27 individu adalah negatif dan baki 103 individu masih menunggu keputusan.

Pengesanan kes secara aktif dan saringan kontak rapat masih diteruskan bagi kluster ini dan situasi semasa akan dimaklumkan dari semasa ke semasa.

NASIHAT KESIHATAN BERKAITAN COVID-19

KKM menyeru orang ramai agar terus amalkan nasihat-nasihat yang sering ditekankan oleh KKM sebagai satu kebiasaan baharu dalam kehidupan harian. Antara nasihat-nasihat tersebut adalah seperti berikut:

- **Elakkan 3S / 3C** : iaitu elakkan kawasan yang **sesak (*Crowded place*)**, elakkan kawasan yang **sempit (*Confined space*)** dan

elak sembang atau bertutur dengan jarak yang **dekat (Close conversation)**.

- **Amalkan 3W** : iaitu kerap mencuci tangan dengan air dan sabun (**Wash**), memakai alat pelitup muka (*facemask*) di tempat awam yang telah diwajibkan oleh pihak Majlis Keselamatan Negara (MKN) mulai 1 Ogos 2020 atau jika bergejala (**Wear**), dan (**Warn**) iaitu amaran dari KKM yang lebih berkonsep peringatan seperti:
 - Elakkan bersalaman / bersentuhan;
 - Amalkan etika batuk dan bersin;
 - Dapatkan rawatan segera jika bergejala;
 - Duduk di rumah dan elakkan kunjung-mengunjung;
 - Lakukan aktiviti disinfeksi dan pembersihan di kawasan yang kerap disentuh.

Patuhlah kepada S.O.P sebagai normal baharu iaitu:

- **S** : Syarat-syarat seperti yang ditetapkan di bawah Perintah Kawalan Pergerakan Pemulihan (PKPP);
- **O** : Orang yang berisiko tinggi seperti kanak-kanak, bayi, warga emas dan orang kurang upaya (OKU) perlu dilindungi, individu tidak sihat dan bergejala dikehendaki segera menjalani pemeriksaan kesihatan;
- **P** : Penjarakan fizikal (*physical distancing*) diamalkan pada setiap masa iaitu sekurang-kurangnya 1 meter.

KKM akan terus memantau perkembangan kejadian jangkitan di dalam negara, dan juga luar negara melalui maklumat yang diperolehi daripada pihak Pertubuhan Kesihatan Sedunia (WHO). Orang ramai akan sentiasa dimaklumkan sebarang perkembangan terkini mengenainya. Begitu juga, KKM akan memastikan langkah pencegahan dan kawalan yang sewajarnya adalah dilaksanakan secara berterusan.

Sekian, terima kasih.

DATUK DR. NOOR HISHAM ABDULLAH
KETUA PENGARAH KESIHATAN MALAYSIA

15 Ogos 2020 @ 5.00 petang.

**BILANGAN KES COVID-19 MENGIKUT NEGERI DI MALAYSIA
(SEHINGGA 15 OGOS 2020, JAM 12:00 TENGAH HARI)**

NEGERI	BILANGAN KES BAHARU *()	BILANGAN KES KUMULATIF
PERLIS	1	31
KEDAH	14	169
PULAU PINANG	2	128
PERAK	0	269
SELANGOR	0	2,144
NEGERI SEMBILAN	2	1,034
MELAKA	0	259
JOHOR	1	750
PAHANG	0	370
TERENGGANU	0	114
KELANTAN	0	160
SABAH	0	415
SARAWAK	0	682
W.P. KUALA LUMPUR	6 (3)	2,529
W.P. PUTRAJAYA	0	99
W.P. LABUAN	0	22
JUMLAH KESELURUHAN	26 (3)	9,175

*() adalah merujuk kepada kes-kes import